

PETRI ANDREÆ
CANONHERII
PATRITII ROMANI
PHILOSOPHIÆ MEDICINÆ

AC SACRÆ
THEOLOGIÆ DOCTORIS
*In septem Aphorismorum Hippocratis libros, Medica,
Politica, Morales, ac Theologica Interpretationes.*

AD CLARISSIMUM VIRVM
THOMAM LOPEZ VLLOA.



ANTVERPIÆ
Apud PETRUM & IOANNEM Belleros
clō. 1667.

CLARISSIMO
ORNATISSIMOQVE VIRO
THOMAE LOPEZ
VLLOA
PETRVS ANDREAS
CANONHERIVS



VNC qualemunque partum,
clarissime Thoma, inclyto no-
mini tuo dedicare, ac consecra-
re debeo; quia eius in lucem
edendi studium ac cogitatio-
nem mihi primus iniecisti.
Nam cum quadam prudenti
admiratione afficereris, quod in tanta Illustrium
ingeniorum foecunditate ac praestantia, nemo me-
dica praecipua in Politica transformauerit, & om-
nes de Rep. litteraria benemeriti, orbis urbiumque
hygeiam inerti socordia neglexerint, ad hoc stu-
dium necessarium quidem, sed meis viribus impar,
suscipiendum me semper tantopere cohortabaris;
operaprecium facturum existimans, si ego om-
nium oculis Hippocratem Politicum subijcerem,
quod haecenus nemo litteratorum fecit. Quam-

mei imbecillitati humaniter succurrent. At vero
si vitiligatores in existimationē meam debaccha-
ti fuerint, hosque meos labores ob publicum bo-
num susceptos conuulserint, eorum iniuriam, om-
nibus scriptoribus communem egregia animi vo-
luntate subiero. (Nam *quacunque mortales agunt,*
sive privatim, sive publicè, calumnia subiacent; nec
diuinis operibus maledica lingua parcit, tantum sibi
humanus arrogat intellectus) præsertim cum mihi
fat fuerit, grati animi obsequium retulisse. Vale
Kal. Septembris 1617. Antuerpiæ.

Pius 2. His-
torum ubi-
que gesta-
rum.

CEN-

PETRI ANDREÆ
CANONHERII
IN
SEPTEM HIPPOCRATIS
APHORISMORVM
LIBROS
PROLEGOMENA.



NTEQVAM ad interpretandos Politicè, Moraliter, ac Theologicè Hippocratis Aphorismos aggrediamur, operæ pretium erit, vt faciliùs explicationes ab omnibus percipiantur, demonstrare, Medicinam & Politicam esse sorores, vel saltem maximam inter se affinitatem habere: Medicum & Politicum eadem quodammodo munia sustinere, ac exequi; corpus politicum, vt humanum ex materia & forma, ex variis diuersisq̃ue membris esse conflatum; nasci, adolescere, senescere, exolescere, interire; multiplicibus morbis laborare; iuuenilem, senilem, prouectam, decrepitam, ac aliquando præcipitatum degere ætatem: certas ac cõstitutas vitæ periodos, A remedia,

PETRI ANDREÆ
 CANONHERII
 IN
 PRIMVM HIPPOCRATIS
 APHORISMORVM LIBRVM
 MEDICÆ AC POLITICÆ
 INTERPRETATIONES.

I.

Vita brevis, ars verò longa, occasio præceps, experimentum periculofum, iudicium difficile. Nec verò sat est suum fecisse officium, nisi suum quoque ægrotus, suum astantes faciant, sint ã, externa ritè comparata.



VE M A D M O D V M Hippocrates Medicis aphorismos conscripsit, quia humanæ vitæ, quæ est brevis, & arti medicæ, quæ est longa, accommodi videbantur: facile enim potest aphoristica doctrina memoriæ tradi, eaque Medicus instructus tutò, subitò, ac certò morbis mederi: sic multi aphorismos, axiomata, Hypomneses politicas Principibus, aulicis, & administris composuerunt; quia eorum vitæ impatienti variisque molestiis distractæ consentanei erant; ex istisq; maius emolumentum percipi, faciliorque rerum cognitio, quam ex vlla alia doctrina poterat comparari.

Aphoristica doctrina est Medicis & Principibus utilissima.

Sicut bonum est cognita & inuenta scribere aphoristicè, scilicet breuiter & utiliter ad informationem memoriæ: circa compositionem autem aphorismorum debet quilibet obseruare, quæ competunt ad rem & exemplum, quod est de bene esse, quia de bonitate doctrina. Primum autem est, quod sit sententia vera, vel semper, vt quando est de necessarijs, vel vt plurimum, quando est de contingentibus. Secundum est vt superfluitate careat, & his consistit integritas aphorismi. Tertium ad manifestationem veritatis eius, & ad doctrina certitudinem solum est vile, vt causam dicti explicet vel insinuet: sic eodem

Arnolius Villanouanus in explic super can. vita breui.

lagiet. Oportet etiam ut quæ morbum generant, sint stabilia, ac permanentiam: nam quæ habent continuam ac frequentem mutationem, Politicum iudicium, obscurum reddunt, & in re politica, ut in medica acutum morborum, non omnino sunt certa prædictiones salutis & moris, ob materiae feritatem & varietatem: feritas nonnunquam latet: varietas Politicis imponit. Diversitate enim morbi v. g. belli quidam principes moventur, qui antea quiescebant. Motus inordinati aliquando fiunt ad partes præcipuas improuiso, id: excitantur tumultus ac seditiones inopinato aduersus Imper. & ceteros militiae duces.

Aliquorum vero est impossibilis, ut fortuitorum quia tantum prædici possunt, quæ à publicis morbis, & à Principe, aut Imperatore dependent, quæque in fortuna posita non sunt.

Sicut neque temere ex vno, aut altero signo est prædicendum, ex Gal. comm. in I. Idem lib. 2. c. 2. porbe. cum oporteat ad bene præfagiendum omnia bona signa cum malis conferre; eorumque vires diligenter perpendere: malorum siquidem maior est vis, & efficacia ad perniciem: quam bonorum ad salutem. Nam ut aeger euadat, omnes facultates ut cumque integras esse oportet: vnius tamen læsio insignis non raro satis est ad interficiendum ærum: sic in Politica nõ inconsiderate ex vno aut altero indicio est præfagiendum, cum necesse sit ad bene prædicendum, omnia mala indicia cum bonis comparare, eorumque vires sedulo perpendere; Malorum siquidem publicorum maior est efficacia ad interitum, ac ruinam, quam bonorum ad salutem, & pristinam felicitatem: Nam ut ægra ciuitas euadat, v. g. obfessa ab hostium obsidione liberetur, omnia integra esse est necesse. Sæpe enim vnius rei nempe pulueris tormentarij inopia, aut aliqua magna offensio, satis est ad eam euerendam.

Finis primi Voluminis.